

INATSISARTUT

Ilinniartitaanermut,
Timersornermut
Naalakkersuisoq
IKIIN@nanoq.gl

Kultureqarnermut,
Ilageeqarnermullu

Ulloq: [Brevdato]

J.nr.: [Sagsnr.]

Ilinniartitaanermut, Kultureqarnermut, Timersornermut Ilageeqarnermullu Ataatsimiititaliaq peqatigalugu ilisimatitsiffiusumik ataatsimiinnissaq

Matumuuna Ilinniartitaanermut, Kultureqarnermut, Timersornermut Ilageeqarnermullu Naalakkersuisoq ilisimatitsiffiusumik ataatsimeeqatigiinnissamut Ilinniartitaanermut, Kultureqarnermut, Ilisimatusarnermut Ilageeqarnermullu Ataatsimiititaliamit aggersarneqarpoq. Ataatsimiinneq ulloq 25. april nal. 16-17 ingerlanneqassasoq ataatsimiititaliamit kissaatigineqarpoq.

UPA2024/24 suliarineranut atatillugu ataatsimiititaliamit kissaatigineqarpoq:

- a) Aqutsinermut aqqissuussami atuuttumi saqqummiunneqartumilu pitsaaqutit ajoqutillu pillugit ilisimatitsisoqarnissaa.
- b) Ilinniartitaanermut siunnersuisoqatigiit soqutigisaqatigiillu attuumassutillit avataaneersut siunnersuinikkut ikiunnissaat qanoq Naalakkersuisunit qulakkeerniarneqarnermoq pillugu ilisimatitsisoqarnissaa.
- c) Suliffinnik sungiusarfinnik pissarsinissamut suliassat agguataarneqarnissaa pillugu aqqissuusseqqinnermik erseqqissaassuteqaqqinnerup qanoq ililluni amerlanerusut suliffimmi sungiusartalernissaannik qulakkeerinnissanersoq?
- d) Naggataatigullu siunissami qitiusumik ilinniarfiit nakkutigineqarnerat, kiisalu forständerit oqartussaasullu akornanni oqaloqatigiittarneq Naalakkersuisunit qanoq qulakkeerneqassanersoq pillugu ilisimatitsisoqarnissaa?

Ilisimatitsiffiusumik ataatsimiinnerup nalaani malitseqartitsilluni apeqquteqarsinnaanissaq ataatsimiititaliamit naatsorsuutigineqarpoq.

Ulluliunneqartoq piffissaliunneqartorlu naapertuutinngippata, tamanna pillugu ataatsimiititaliap allataanut mail una aqqutigalugu nimha@ina.alla.gl ataqatigiissarneqassasoq kissaatigineqarpoq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik ilisimatitsiffiusumik ataatsimeeqateqarnermut atatillugu pissarsitinneqarnissani ataatsimiititaliap kissaatigaa. Allakkiaq uunga nassiuteqquneqarpoq inatsisartut@ina.ala.gl assilinera ilanngullugu uunga nimha@ina.ala.gl.

Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliaq
sinnerlugu

Inussiarnersumik inuulluaqqusillunga



Najaaraq Møller

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamut paasissutissiilluni Naalakkersuisup Aqqaluaq B. Egedep oqaluuserisassaq UPA 2024/24 pillugu 25. april 2024-mi ataatsimeeqateqarnerani oqaloqatigiinnermi saqqummiunneqartussat pillugit allaatigisat

a) Inuussutissarsiutinik ilinniartitsinerup aqunneqarnerani pitsaaqutit ajoqutillu pillugit ilisimatitsineq

Pitsaaqutit:

- Qitiusumik Ilinniarfiit sulinerat, periusissiat ilanngullugit, anguniakkat anguniagaqarnissamillu pilersaarutit ilinniartitaanermut politikikkut takorloorneqartunut pingaarnernut qaninnerulersillugit inissinneqassapput.
- Ajornartorsiutinik inuiaqatigiinnut attuisunik soorlu sungiusarluni suliffissanut inuusuttunullu angusassatut siunniussanut tunngasut, taakkunungalugu ilanngullugit sungiusarluni suliffissanik qulakkeerinninnissat, pilertornerusumik toqqaannartumillu suliarinnissinnaangorneq.
- Qitiusumik Ilinniarfiit aningaasaqarnikkut aqunneqarnerat sunniuteqarnerusumik aqunneqalissaaq, soorlu missingersuutinik qaangiinerit, isumalluutinik maangaannartitsinerit kiisalu millionit sinnerlugit akissarsiaqartitsinerit pinngitsoortinneqassapput (soorlu siorna CAK-mi pisoq).
- Ilinniakkat pitsaassusaannut ilisimasaqarneq nakkutilliinerlu annertusarneqassaaq.
- Akisussaaffinnik agguaaneq ersarinnerulissaaq.
- Sungiusarluni suliffissat pillugit suliffeqarfiit tikillugit Qitiusumik Ilinniarfiit suliassaminnik isumaginninngippata il.il. akuliuttoqarsinnaangussaaq (ilisimasat naapertorlugit siulersuisut taamaaliunngisaannarsimapput).
- Nunatsinni Ilinniartitaanermut Siunnersuisoqatigiit aqutigalugit ilisimasatigut ilanngussaqartarnissaaq qulakkeerneqassaaq, suliffeqarnermilu pisariaqartinneqartut tunngavigalugit Qitiusumik Ilinniarfiit pisussaaffilerneqassapput soqutigisaqatigiit isumasiornerisigut ilinniarfiit tulluusarsinnaanissaat. Taamattaaq Naalakkersuisut sukkulluunniit immikkut ilisimasalinnik suleqatigiissitaliortitsisinnaapput.

- Qitiusumik Ilinniarfiit (forstanderi aqutigalugu) ilinniakkat ilusilerneqarneranni soqutigisaqaqatigiit pineqartut peqataatinneqarnissaannik Qitiusumik Ilinniarfiit pisussaaffilerneqarput, tak. § 36, imm. 1.
- Nunatsinni Ilinniartitaanermut Siunnersuisoqatigiit pilersinneqarnissaat piareersarneqalereerpoq tamannalu AI 2024-mi takuneqarsinnaavoq, taakkulu soqutigisaqaqatigiit pineqartut peqatigalugit ilinniakkani anguniakkat ersarissartussaavaat.

Siulersuisut, inuiaqatigiinnut iluaqutaasimanngitsut taamaatinneqarnerisigut Qitiusumik Ilinniarfinni allaffissornermi ukiumut 2 mio. kr.-nik ileqqaartoqassaaq.

Ajoqutit:

- Ajoqutissanik taasassaqaqanngilaq.
- Nunatsinni Ilinniartitaanermut Siunnersuisoqatigiit kisimiillutik suliassat tamaasa kivissinnaanngilaat, taamaattumik suliaqartut pineqartut ilinniakkanik ilusilersuinerme peqataatinneqartassapput, tak. § 36, imm. 1.

b) Ilinniartitaanermut siunnersuisoqatigiit soqutigisaqaqatigiillu attuumassutillit avataaneersut siunnersuinikkut ilanngussisarnissaat Naalackersuisunit qanoq qulakkeerneqassanersoq pillugu ilisimatitsineq.

- Ilinniartitaanermut Siunnersuisoqatigiinnut malittarisassat erseqqinnerusut, tamatumunnga ilanngullugit siunnersueqataanermut tunngasut, siunnersuummi aalajangersaasoqarsinnaaneranut piginnaatitsisoqarnikkut nalunaarummi malittarisassaliorneqassasut atulersinnissaat naatsorsuutigineqarpoq.
- Ilinniarfinni ataasiakkaani Ilinniartitaanermut Pilersaarut suliarineqarnerani forstanderi soqutigisaqaqatigiinnik naleqquttunik siunnersorneqartarnissani pisussaaffigissavaa, siunnersuummi § 36 imm. 1 malillugu.
- Naalackersuisut qaqugukkulluunniit paasisimasalinnik inuussutissarsiortunik suliffeqarfinnillu immikkut faginik sammisaqartunik pilersitsisinnaapput, suliffeqarnermi pisariaqartitsineq tunngavigalugu ilinniakkat naleqqussarumallugit, inuussutissarsiutillu sammiviinut tunngasut apeqqutit qulaajarumallugit pitsaassusilersorumallugillu.

c) Sungiusarluni suliffissanik pissarsiniarluni suliaqarnerup erseqqissarneqarnera:

- Taanna suliassaq inatsimmi Naalakkersuisut oqartussaaffiisa ataannut paatsuugassaannngitsumik inissinneqarpoq.
- Sungiusarluni sulineq pillugu ataqatigiissaarisutut sulinermi inuit piginnaasaqartut sulisussatut toqqarneqassapput imaluunniit inuit piginnaasaqartut atorfinitsinneqassapput, taakkulu sungiusarluni suliffissat qulakkeerneqarnissaat pingaarnertut suliarissavaat.
- Tassungaa atatillugu Naalakkersuisut alaatsinaatarissavaat Qitiusumik Ilinniarfiit suliffeqarfinnut, kattuffinnut, peqatigiiffinnut aamma oqartussanut orniguttarnissaat lærlinginiq tigusinissaat anguniarlugu.
- Siulersuisut attavigeqqaarnagit suliap naammassineqartarnissaanik toqqaannartumik nakkutilliineq Naalakkersuisut isumagisinnaangussavaat.
- Sungiusarluni sulineq pillugu ataqatigiissaarisutut atorfeqartoqalernissaa maannakkut siulersuisuusut isumassarsialattut nalilerlugu oqaatiginikuuaat, tamannalu suliassamik isumaginninngitsoornermik siulersuisuusunit immaqaa nassuerneruvoq.
- Perorsaanermik Ilinniarfik aamma PI assingusunik aaqqissuussinernik maannakkut peqareerput.

Siunissami qanoq nakkutilliineq Naalakkersuisut qulakkeereraat ilisimatitsineq:

- Naalakkersuisut toqqaannartumik, piaartumik aamma kinguneqarnerusumik Qitiusumik Ilinniarfinnik siulersuisunut saaffiginneqqaarnatik nakkutilliisinaanerat, soorlu missingersuutiniq nakkutilliineq malitseqartinneqarsimannnginnersoq siunnersuutip pisinnaangortippaa, maannakkummi aaqqissuussinerup nalaani tupannartumik saqqummerpoq missingersuutiniq annertuumik qaangiisoqarsimasoq, ilinniarfiillu sungiusarluni suliffissanik pissarsiniarnermi aaqqutissiuqataasarsimannngitsut.
- Forstanderi ataavartumik oqaloqatigisarneratigut naapeqatigisarneqatigullu.
- Missingersuutiniq malinnaaneq pillugu akuttunngitsunik ataatsimiinnertigut, saaffiginnittarnertigut aamma tikilluni tikeraarnertigut nakkutilliineq ingerlanneqartassaaq.

- Qitiusumik allaffissornermi piaarnerusumik qitiusumik allaffeqarfinnut nassiussassanik aamma qitiusumik allaffeqarfimmut ukiumoortumik missingersuutit pillugit nalunaaruteqarnermi Qitiusumik Ilinniarfiit immersugassaar pillugit kingusinaarnerit aaqqiiffiqarsinnaangorlutillu kinguneqartinneqarsinnaangussapput.
- Naalackersuisut nakkutilliinerannut assersuutitsialaavoq CAK-up aningaasaqarnikkut aqutsineranik qaammatikkaartumik missingersuutinik nakkutilliinermik malitseqartitsisarnermik siorna IKTIN-ip tigusinera, taassumalu kingunerisaanik missingersuutinik qaangiinerujussuit unitsinneqarput.

Ullumikkut paasisat (ilisimasat tunuliaqutaasut):

- Inatsit atuuttoq inuussutissarsiutinik ilinniartitsinerannut iluarsartuussinermi neriuutigineqartunut sunnguamilluunniit iluaqutaasimangilaq.
- Sungiusarluni suliffissat 200-nik ikileriarsimapput.
- Inuusuttut angusaqarfigiumasat (unge målgruppe) Qitiusumik Ilinniarfiit ilinniartorilerneq ajorpaat, tassa inuusuttut angusaqarfigiumasat pisariaqartitaat isiginiarneqanngillat.
- Inuussutissarsiutinik ilinniartitsinerit missingersuutinik annertuumik qaangiisarsimapput, 2019-imilu inatsisit unioqqutinneqarlutik, pitsaassutsillu appasinnerannut maalaarutit aamma amerlasimallutik.
- Qitiusumik Ilinniarfinni lærlingit naammassisut amerlanerulersimangillat..
- Ilinniakkat pitsaanerulersimangillat, imaluunniit ilinniakkat suliffeqarnermi pisariaqartitanut naleqqunnerulersimangillat.
- Ilinniarfiit aningaasaqarneq pillugu aqutsinerannut, missingersuusiortarnerannut aamma missingersuutinik malinnaanerannut, ilinniakkat pitsaassusaannut ilinniartullu atugarissaarnerannut kiisalu ilinniartut maalaarutaannut qitiusumik allaffeqarfik naammattumik ilisimasaqarnanilu nakkutilliisinnaangilaq.
- Siulersuisunut ilaasortat naammattunik piginnaasaqartut, attaveqarfeqartut nukissaqartullu siulersuisuni qulakkiissallugit ajornakusoorpoq.
- Misilittagakinneq imaluunniit inuttut piginnaasakinneq kiisalu piginnaasanik pisariaqartunik amigaateqarnerup ilinniarfimmi ingerlatsinermi sulinermilu akisussaaffinnik pingaarnernik isumaginninnissaq kiisalu suliffeqarnermi

pisariaqartitat anguniakkatut oqaluuserineqarnissaat aamma aalajangersimasunik ilinniakkanik piumasaqarnissaq kiisalu ilinniakkanik atuuttunik nutarterinissaq ajornakusoortippaat.

- Siulersuisuni tamani sulisitsisut malunnartumik Sulisitsisut toqqaasarnerisigut annertuumik amerlanerussuteqarput, tamanna siulittaasoqartitsinerni malunniuttarluni (imaalluni, ilinniarfiit kattuffimmik ataatsimik (Sulisitsisut) aqunneqarput.



Meeqqanut, Inuusuttunut, Ilinniartitaanermut,
Kultureqarnermut, Timersornermut
Ilageeqarnermullu Naalakkersuisoq
ikin@nanog.gl

Ulloq: 30-04-2024
J.nr.:01.39.01.03-00271

**Meeqqanut, Inuusuttunut, Ilinniartitaanermut, Kultureqarnermut, Timersornermut
Ilageeqarnermullu Naalakkersuisumut apeqqutit**

UPA2024/24 suliarineranut atatillugu apeqqutit akineqarnissai Ilinniartitaanermut, Kultureqarnermut, Timersornermut Ilageeqarnermullu Ataatsimiititaliamit kissaatigineqarpoq.

Apeqqut 1: Qitiusumik ilinniarfiit oqartussaasullu akornanni oqaloqatigiinnerup siunissami qanoq qulakkeerniarneqarnersoq pillugu Naalakkersuisoq nassuiaateqaqquneqarpoq.

Apeqqut 2: Qitiusumik ilinniarfinni siulersuisut forstanderillu akornanni ulluinnarni siunnersuisarnermut attaveqaqatigiittarnermullu attaveqaqatigiinnikkut suliniutaasinnaasunik qanoq ittunik taarserniarneqarnermut pillugu Naalakkersuisoq nassuiaateqaqquneqarpoq.


Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik ilisimatitsiffiusumik ataatsimeeqateqarnermut atatillugu pissarsitinneqarnissani ataatsimiititaliap kissaatigaa. Allakkiaq uunga nassiateqaqquneqarpoq inatsisartut@ina.alla.gl assilinera ilanngullugu uunga nimha@ina.alla.gl.

Apeqqutit siuliani allassimasut – nipangiussisussaaneq eqqarsaatigalugu – oqaasinngorlugit akineqartariaqartutut Naalakkersuisunit nalilerneqarpata, tamanna sapinngisamik piaartumik nalunaarutigeqquneqarpoq, tassungalu ilanngullugu ilisimatitsiffiusumik ataatsimiinnissamut ulluliussassatut siunnersuuteqarluni.

Qujareerlunga,

Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliaq
sinnerlugu

Inussiarnersumik inuulluaqqusillunga



Najaaraq Møller

Ataatsimiititaliami Siulittaasoq



Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq
nimha@ina.alla.gl
inatsisartut@inatsisartut.gl

**Meeqqanut, Inuusuttunut, Ilinniartitaanermut, Kultureqarnermut, Timersornermut
Ilageeqarnermullu Naalakkersuisumut apeqqutit, UPA 2024/24:
Inuusutissarsiuutinik ilinniartitsinerit aamma inuusutissarsiuutinik
ilinniartitsinerup iluani pikkorissaanerit pillugit Inatsisartut inatsisissaanut
siunnersuut**

03-05-2024
Sagsnr. 2023 - 4918
Akt nr. 24138657

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Aallarniutigalugu Naalakkersuisut sinnerlugit Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliaq qutsavigiumavara ilisimatitseqatigiiffiusumik sisamanngorneq 25. april 2024 ataatsimiinnermut aammalu ilassutitut apeqqutigineqartunut ullormut oqaluserisamat UPA2024/24 -imut atatillugu.

Ataatsimiititaliap apeqqutai apeqqummut malitsiinnarlugit tullerijaarlugit akineqartassapput, tak. ataaniittut.

Apeqqut 1: Qitiusumik ilinniarfiit oqartussaasullu akornanni oqaloqatigiinnerup siunissami qanoq qulakkeerniarneqarneris pillugu Naalakkersuisoq nassuiaateqaqquneqarpoq.

Akissut:

Tamatunnga atatillugu ilisimatitsissutigineqarsinnaavoq naalakkersuisoqarfiup suliassaqaqfimmi oqartussaasup, tassa Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup nalilersimammagu pisariaqartutut qitiusumik ilinniarfinnut qaninnerusumik attaveqartariaqarneq, maannamut siulersuisut aqutigalugit aqutsinikkut aqqissuussinermi atuuttuusumut sanilliullugu. Tamatumani siunertaavoq qularnaarneqassasoq naammassisaqarfiunerusumik angusaqarumanermillu siunnerfeqartumik oqaloqatigiittoqarnissaa. Tamanna siullertut pingaarnertullu qularnaarneqassaaq qanimut akuttoqatigiissaagaasunillu oqaloqatigiittarnertigut forständerip aamma naalakkersuisoqarfiup akornanni, pilersinneqarumaartumik forständeri naalakkersuisoqarfimmut atasumik ingerlatsilerpat.

Naalakkersuisoqarfiullu aallartereerpaa pilersarusiorneq naalakkersuisoqarfiup aamma qitiusumik ilinniarfiit ataasiakkaarlugit oqaloqatigiittalernissaaq, annerusutigut qitiusumik ilinniarfinni forständerikkoortussaaq. Tamatumunngalu atatillugu akuttunngitsunik suleqatigiinnermik aamma isumasioqatigiittarnermik siunnerfeqartunik ataatsimiittarnerit forständerimik peqateqarluni ingerlanneqartalissapput, suliassat ingerlasut pisariaqartitsinerullu eqqartorneqarfigisassaat pisariaqartitsineq naapertorlugu, tamatumani aamma suliniutissanik oqallisiginnitarneq. Kiisalu aamma qaamatikkaartunik aningaasartuutissanut missingersuutinik atuinernillu malinnaatitsinerit ingerlanneqartassapput, ilinniarfiillu pulaarneqartarlutik. Tamatuma saniatigut allaffimmi pisortat ataatsimiinnerinik taaneqartunik ingerlatsisoqartassaaq,

qitiusumik ilinniarfinni aqutsisuusut tamarmik naapeqatigiiffisagassaannik, unammilligassat piusut oqaloqatigiissutigiumallugit, akissaqarfiit akimorlugit Naalackersuisoqarfik peqatigalugu ingerlanneqartartunik.

Kiisalu aamma Naalackersuisoqarfiup nutaaliornerit pilersippaa qaammatikkaartumik akunneq apeqquteqarfiusartussa, qitiusumik ilinniarfikkaartumik atortinneqartussa, apeqqutinik assigiinngitsunik qulaajaaviusartussamik. Ataatsimiinnerni taakkunani ilaatigut aningaasanut inatsimmut tunngasunik suliat sammineqartassapput, aamma aningaasanut inatsimmut siunnersuutissaajumaartut, aqutsisunut paasissutissiinerit, missingersuusianik malitseqartitsisarneq, Naalackersuisoqarfiup missingersuusianut skemaataanik sammisaqartarneq Excel-imi ingerlatsinernut aningaasaliissutinut, naatsorsuutit inaarsarneqartarnerannut aamma piffissanut aalajangersimasunut inissitsiserisarnerit, sulianut ingerlasunut atatillugit apeqqutit aammalu AMA-mit aningaasalersukkanik ingerlatat.

Aaqqissuussinertit tamakkua ilutigisaannik isumaliutaavoq forstanderit ataatsimiittarnerinik pilersitsinissaq, ataatsimut naapisimaartarfiit ilaattut forstanderit Naalackersuisoqarfiullu akornanni.

Apeqquut 2: Qitiusumik ilinniarfinni siulersuisut forstanderillu akornanni ulluinnarni siunnersuisarnermut attaveqatigiittarnermullu attaveqatigiinnikkut suliniutaasinnaasunik qanoq ittunik taarserniarneqarnerisut pillugu Naalackersuisoq nassuiaateqaqquneqarpoq.

Akissut:

Inatsisitigut aaqqissuussinissamik siunnersuutigineqartoq kinguneqassaaq ingerlaavartumik oqaloqatigiittoqartarneranik naalackersuisoqarfiup oqartussaasup aamma forstanderip akornanni, tamannalu attaveqatigiinnermut namminermut nukittorsaataassaaq allaffissuarmi ingerlatsinerup aamma qitiusumik ilinniarfiit pineqartut akornanni. Tamatumunnga atatillugu innersuunneqassaaq apeqqummut siullermut atatillugu akissutaasoq. Taakkualu ilanngulligit isiginiarneqassapput sanilliusilluni ullumikkut ingerlaavartumik oqaloqatigiittoqannginneranut siulersuisut aamma naalackersuisoqarfiup akornanni. Siunnersuut taamaasilluni pilersitsissaaq toqqaannartumik attavimmik naalackersuisoqarfiup oqartussaasup aamma forstanderit akornanni ullumikkut aaqqissuussinerrunngitsumik. Ilutigisaanillu siunnerfiuvoq oqaloqatigiinneq attaveqatigiinnerlu pineqartoq ilassuserneqarumaarmat ilinniartitaanernut siunnersuisoqatigiinngorumaartunit isummersuutinik tigooraanermik.

Soorlu aamma apeqqummut siullermut akissummi ersittoq ataatsimut isigisumik isumaqartoqarpoq maannamut siulersuisut aamma forstanderit akornanni oqaloqatigiittoqanngitsaq, naak immaqa inuit taakkunani peqataasut akornanni imminnut akaareqatigiittoqaraluartoq, tamannali angusaqarfiusimanani, iluaqutissarsiviusarsimananilu qitiusumik ilinniarfiit inuiaqatigiinnut kalaallinut tunniussaqsarinnaassusiisigut.

Taamaattumik uteqqiasumik apeqqusiisoqartarsimavoq attaveqatigiinnerit siunnersuisarnerillu pitsaassusii eqqarsaatigalugit, siulersuisut aamma forstanderit akornanni, misigineqartarsimmata pissutsit ulluinnarni aqutsisunit paasineqartartut nalorniaateqartunik atuivallaartoqartarnera millionnilinnik annertussusillinnik,

anigaasanut ukiumi piffissami siuseqisumi, siulersuisut ilisimangisaannik aatsaallu qisuariarfigisagaannik siulersuisut Naalackersuisoqarfimmit oqartussaasumit oqaaseqaqqullugit qinnuigineqaraangata. Kingulleermik siulersuisut naalackersuisoqarfimmit oqartussaasumit ataatsimiigiqaquneqarput ulloq 30. april 2024 tunuliaqutaralugit paasissutissat atuivallaarnernik aarlerinartunik imaqtut, siulersuisunut tupaallaataarpassut, nalunaartullu ilinniarfiup ulluinnarni aqutsisunit allanik paasissutissinneqarsimallutik.

Tamatuma saniatigut oqaatigineqassaaq eqqartuussissuserisut misissuinerat Greenland Business School-imit 2019-imi inatsisunik unioqquitsinermut tunngasumik aalajangiussimmat tamanna pisimasoq tunuliaqutaralugu siulersuisut paasissutissanik pingaaruteqartunik ilisimatinneqarsimanginnerat.

Assigisaanik naliliisoqarpoq anigaasartuutissanut missingersuusianik uniuissarnerit pisariaqartitsivilersimasut naalackersuisoqarfiup akisussaasup Deloitte suleqatigalugu ilinniartitaanernik ingerlatsiviit assigiinngitsut anigaasaqarnerannik misissuisoqartariaqalerneranik, tamannalu annerusutigut pissuteqarsimammat pissusissamisunnngitsumik siulersuisut aamma ulluinnarni ingerlatsisuusut suleqatigiinnerannik. Tamanna aamma assersuutigalugu atuuppoq Campus Kujallermi sulisuusunut arlaqtunut tunngatillugu millionimik anigaasarsiaqarsimasunut, ilaat allat piffissaq suliffiususaaq ataallugu sulisarsimasut, ilutigisaanillu ilinniartitaanernik ingerlatsivik atuivallaarnermiit atuivallaarnermut ingerlasarsimallutik.

Taamaattumik naliliisoqarpoq apeqqutip siulliup akissuteqarfiginerni iliuusissat eqqaaneqtut qularnaassagaat pisariaqartumik akimut ersittuliornissaaq aamma pitsaassuilersuinissaaq attaveqaqatigiinnermi forstanderit aamma naalackersuisoqarfiup suliassaqarfimmi oqartussaasup akornanni, qularnaarlugu toqqaannarnerusumik pisariaqartumillu suussuilersuisoqartarnissaa aallussisoqartarnissaalu suliassanik, assersuutigalugit ilinniartitaanerit pitsaassusissaanni, ilinniartut atugarissaarnissaanni, sungiusaammik ilinniagaqartut suliffissaqartinnissaanni, anigaasaqarnikkut aqutsinermi, missingersuusiortarnermi missingersuutillu malitseqartinneqartarneranni.

Inussiarnersumik inuulluaqqusilluta



Aqqaluaq B. Egede